

Quem Tsbuanachëngañ Entsabeman Ndumua Pamillangbiam
Cabëng Uashauenanëshañ Muenangmenëngbiam, Co Muentše
Entsayan; Tšamo Cuidado Tsenobomñëngam Chë Bacna Šocanam

Cultural Survival

Nyetscang Catatoy
Chamojenajabuachës, As
Mochanjobenay Chë Bacna
Šocan Jatcam





Njetsquenach pamillang cabëng uabainëng, lastemca monjise pasang y monjisetormentanëng, chë bacna söcan condëjuabnay or chca quem soy tojabisobocna, ayecna; Cultural Survival entsenangmen jujabuacham ndumua cabëng pamillang, chca muenangmenëng uashauenanëshañ chëng chamontse cabëngbioy jtabuayenam.

Uashauenanësha co corent oprecido jisamnan pamillangbioy botaman nje mo ndayamnac jtëtenbuayenangam, as jajenach y tabanenach pamillang tšamo motbiamañca mochantsuenan y tšamo uashauenanëshañ cojtsabuayeinaca mochantsuenanëng y mochantsatm ndayam bejtsabuayeinayam, chiyec chca tcojtsuenan chë uashauenantemañ as ndayamnac co betesco cochantsetatsembo .


Galina Angarova

Galina Angarova


Inyoca Cabëng Buryat,
Quem Pamill Choca Utabna Endëmën - Cultural Survival

BACNA ŠOCANAM CUIDADO TSENOBOMÑAM

Quem tsbuanachëngañ co entsayan tšamo cuidado tsenobomñëngam chë bacna šocanam, ndumua pamillang tšamo muenangmenëng cada te chë uashauenanëshañ chëngbiam.




COVID 19



Co n̄yets luarenach chca lastemca monjiseasang y monjisetormentan̄ng, chca tojabitsoboqūn ch̄e bacna šocan caus, ayecna; co in̄ye luarenach co n̄ye caba monditsenangmen japorman vacuna co n̄ye caba moditsanguang. Quem bacna šocan caus, n̄yets luarenach t̄samo ȳeutabn šquen̄ng, ya ndoñ jadejangan pamillang tempca n̄yetscang ndayent̄snac n̄ye can̄yiñ tsemn̄engan o tsajnan chca caus lempe mor tonjabisotrocay. Ayecna n̄yets luarenach chca mal opasan caus co n̄ye corent botaman t̄tenojuaboȳengan, t̄sam n̄yetsquenach cab̄ng motbiamañ̄ngbiam ch̄ng chca botaman juabnac y botaman nemoriac chca ndayamnac tsenangmenan, ayecna; t̄saba yom̄n cada te m̄as tsatsbobonshanan y tsatin̄yenan tsbatsanamamá. Ayecna; mosatenajabuachan , mosatenyeunan y mosatobouyay b̄ngbe uaman luarenache, ndocna chaond̄etsendbiamna.

Uashauenanëshangañ ndayenache cabëng mnitsenangmenenach mor cocaye corent enjisait tenëbuayenangam, mor chca bacna šocan tojabisobocna or, ndumua pamillang shembaseng y boyabaseng chca quemuiñ muenangmen, chëng co mor entstocan, uashauenanëshañ tšaba botaman pamillangbioy tsatabuayeinayan.

Tsatenujuabnayan tšamo cada te echandbitsabuayeinaica, ndoñ yap pamillang teneñjan, bënënoc tsepadecenëngan, botaman tsontšabebian cucuatš, y mochtsenayachto uchtonëshec, desde nguëšëšocan hasta uayašachentšë.



Nday Acaba Ndoñ Tšabá Y Ndaya Tšabá

Quemëntša opasan caus co nÿe botaman tētenojuaboyan nÿetsquenach cabēng motbiamañēng, co caba mallajt añemo bomnēng y uamanēng mondētsoṃñ.



Lastementšë padecen soy tšosertanan tonday ndayentšë jtsemnan pacelo jenoshnam, corent limpie bejay tšebomnam y cachca endashben quem soyēngam tšam yomñēca jtšatabuayeinayam.

Cabēngbe tšabiam caba mondētēcuatjon cabēngbe soyam, y caba mondētsoṃñ; jajasanang, shnanēng y caba tšaba mondētsoṃbiamañēng.



Co desde Cultural Survival cbontsiyepartia quem tsbuanachangañ tšamo ijtsayanan jenocuidangam chë bacna šocan tojabitsshjango caus, co bëngbe barie cachca corent sënduatm uashauenanësha co corent opresido jisamnan chamotsatuenanam, y chentše tšam pamillang šmenangmenca chë uashauenanëshañ jtsatoyebuambnayam, as cachca entseit atšëngafta cuidado tsenobomñëgan chë bacna šocanan ndoñ chacmondoshicham, ayecna; sënjatenujuabong nÿe mo batšanac jenbuayenam na chë uashauenanësha choc šmojtšenangmenca, mor chca bacna šocan tiempo tojabitsshjango or, co nÿe Dios mand por Dios cuedadoc šmosenangmenëng, y šmosepadecenëng, ayecna; quem tsbuanachëngañ uta soyam entsabeman:

Natsan entsabeman ndumua pamillang tšamo muenangmenëng chë uashauenanëshañ chëngbiam.

Chentšan entsabeman tšamo jatenangmiam respetoc y corticioc nÿetsca pamillangbiam.



Natsan Entsabeman

Ndumua Pamillang Chca Voluntadoc Muenangmenëng
Uashauenanëshañ Chëngbiam
¿Tšamo Cuanjise man Uashauenanëshañ Tcojisenangmenës?
¡Co Natsan Bëngbe Vid Más Oprecido Jisemnan!



Natsan jenangmiam,
ndocna tšamo chaondëpasa
uashauenanëshañ
enangmenëngbiam.



Tsbuanachatemañ
Chaotsinýnanan nombrëng,
ndumua pamillang tšamo
muenangmen
uashauenanëshañ chëngbiam.



Jenangmian ndaya
más oprecido
tojeseitca.



Ndoñ bëngbe vid
tsenobuashbiayan,
Bëngbe vid corent
uaman soy cuitsemn.



Bien jenuaboyan
ndaya resgo
mojtsebojanýa

Jenangmian Y Jenojuaboyan, Tšamo Mas Tšaba Nantsemn Cuedadoc Jenangmiam, Uashauenanëshañ Muenangmenëngbiam

Tšaba nantseman jenangmiam, tšamo šmenutca y chentše bien juareparan tšamo entsabuayeinaca inÿoca pamillang enangmenëng uabainëng, Organización Mundial de la salud- OMS, y inÿe pamillang tšamo muenangmen cach quem soyam chëng as lempe nÿe corent tšaba chaobocnam.

Bien Jenojuaboyan Ndaya Resgo Mojtsebojanÿa

Tcojtsepadecen pamillangbioy, bien jubtsenobobonÿan tšamo osertanëng tcmojabuayenaca, as ndoca japasan quem soy natsan cuent tsebomnan.



Tsbuanachatemañ Chaotsinÿnanan Nombrëng Ndumua Pamillang Tšamo Muenangmen Uashauenanëshañ Chëngbiam

Bëng chca mondenangmenëng ndayaamnac tsenbuayeinayam nday soyëngam, ayecna; tšaba yoman tsbuanachangañ chaotsinÿnanan bëngbe nombrëng, as ndoñ chë utabn šquenëng queochatiyambay.

Ndoñ Bëngbe Vid Tsenobuashbiayan, Bëngbe Vid; Corent Uaman Soy Cuitsemën

Ndoñ ndayam tontseitca, ndoñ tsebocanan ndayenach, chca bacna šocan ejtsemn chenach. Nÿa ndera cojtsabomn entšaya ndayec jenuyanam y chë bacna šocan ndoñ chaondenchnëngo, as nderad cuanjobecona chenach y ndoñ chcas, as mejor ndoñ chenach tsobecocnayan o tsepadecen, corent resgo bëngbiam tsemnan.

Jenangmian Ndaya Mas Oprecido Tojtseitca

Nderad quemëntšañ enangmena tojtsemën bëtsanana, o ndumua pamillo nderad inÿe šocanac tojtsepadecen cha, as co botaman jabuayenan y desde yenbnocan chaontše jenangmian.

Ndayentš
tcojtsenangmenentš,
cada or botaman
chentše tsobolimpian.



Oyebuambnay
microfonbiñ, co nday
soyec tsabochman
bien botaman.



Tcojoyebuamba chë
uashauenanëshañ
choc, as chor co betesco
chentše botaman
jiselimpian.



Uashauenanësha
chentše jenangmiam,
co ndoñ jatopodian mo
uta pamillat chentše
chabotsenangmen.



Jenangmian yebnocan chë
via Streamingca uabain
soyec, as ndoñ jan chë
uashauenanëshachoy.



Ndayentš Tcojtsenangmenentš, Cada Or Botaman Chentše Tsobolimpian

Ndayentš tcojtsenangmenentš cada or botaman chentše tsobolimpian. Ena alcoholiyec y cachca endopoden chentše tselimpian, na cloroca uabainiyec, bejajiñ batša jenajuaban o jabuatsëndëndoyan.

Oyebuambnay Microfonbiñ, Co Nday Soyec Tsabochman Bien Botaman

Botaman jenoyeunayan, nda iutabn chë uashauenanësha chaftac, desde ndayentš u e n a n g m e n e n t š a n , quementša cojenangme, as mas tšaba tsemnan, y tcojontše jenenangmian desde yebnocan tcojachembo na uamatsešnaytemiñ, as co ndoñ yap pamillang tšaba quemochatuenan tšamo cojtsichamo che uashauenanëshañ. Y nÿa nderadchcandoñtonjatopodes er tšamo mas, co nÿe pront jatotocan uamatsešnaitemiñ j o y e b u a m b a y a m .



Microfonbe Bien Tsebochman Nÿe Mo Entšujuacnac

Na chë oyebuambnay microfonbe cachca resgo tsemnan, chë bacna šocan chëntše nantsojaiy, y chca tojtsemn; y chentše inÿe pamillo tojatoyebuamba, co cuantsenabuachnëng chë bacna šocan. Chiyec corent oprecido jtsemnan na chë ndayec chë microfonbe cojuabochem soy jatstrocan o juatsboyplasticushacotelëjuac tëtabochochman chë microfonbe ntšamo tojtseitca, as ndoñ resgo tsemnan y jatopodian inÿe pamill chë microfonbiñ chauatoyebuamba. Dios mand por Dios šmosatm quem soy.

Uashauenanëshañ Chentše Jenangmiam, Co Ndoñ Jatopodian Mo Uta Pamillat Chentše Chabotsenangmen

Nÿa nderad yap oprecido chca tojatachuanan, as co bënënoc tsepadeceñgan y tenojajuam chë uayachtonësh, nguëšëšocan hasta uayašachëntscoñ.


Tcojoyebuamba Chë Uashauenanëshañ Choc, As Chor co Betsco Chentše Botaman Jiselimpian

Tšamo uashauenanëshachentš nday soyëng tojaitan y tcojabojajo, as quem soyëng canÿe entšujua juafchecuacuayan alcoholiyec, as quem soyec tselimpian. Quem aparatëshëng ndoñ tselimpiayan na cloroc, resgo cuantsendbiam chë aparatëshëng. Chë alcoholiy juabuamiyan co cuchanjuinÿen na droguerienach

UTENTŠ

Jenangmiam

Muentš entsabeman tšam cmojtsabuayeina na la Organización mundial de la salud, chë bacna šocanam, tšamo mochjenangmia ndumua pamillang na uashauenanëshañ mnitsoyebuambnay chëng, y quem pamillang ichanjatabuayena respetoc y corticioc inye pamillangbioy, tšam oído mojtsequëcjnangca tšam ndegombre bejisopasanan.



Ndoñ Pamillangbioy Tsbuayeinayan, Nye Ndoñ Contsatmëca



Na la Organización Mundial de la salud (OMS), choc tšamo pamillang muenangmenca tmojatenajuabo jenashjacham quem palabratem “infodemiaca”, mor chca tojabisoboquën chë bacna šocan caus nye inyetša, inyetša y ndoñ tondmënca desde ndayenach mnitsoyebuambnay chocan jisacuentayan pamillangbioy, nye ndoñ tondmënca y jontšan autatjnayan, chca ndoñ tšaba tmontsebuayeinaca y nyichca tcojisuenan caus, pamillang co nye mas uatjan jisabuachan, y nye mas tsošocayëngan, ayecna; co nye cuedadoc mosepadecenëng y ejuan mochjouenëng.

Bien Mochjuarepara Tšam Yomnëca

Cochtenojuaboy ndoñ nye ndanac quem bacna šocanam tsoertanan, ayecna; tšamo pamillang corent mnauatsjinÿ saludca chcasoyam epidemiologosca, enfermerang, shnan vacun pormayëng y genetistasca, nye chëng jobenayan pamillangbioy jabuayenan ndayá bejtsopasanan. Chë bacna šocanac y tšamo cuidado jisenobomñëngan.

OMS Organización Mundial de la saludca





**Ntšamo Pamillang
Muenangmenca Chë
Uashauenänëshañ, Tšaba
Nantseman Quem Soyam
Pamillangbioy Jabuayenan
Camëntšá Palabrac, Y
Šquenëngbe Uantšamenan
Palabrac, Chentše Botaman
Jabuayenan**

Camëntsa palabrac cojtsatabuayeina pamillangbioy, as más tšaba echanjosertay ndayam bejtsabuayeinayam, y as más mochantsatm pamillang. Nderad uashauenänëshañ, tšamo muenangmenca y chentše ndocna pamill camëntšá tontsebias, as co tšaba nantseman canje pamill camëntšá biya janguangan quem soyam pamillangbioy camëntšá palabrac chaotsatabuayeinam. Quemëntša soyam jenangmiam beca enangmen soyëng endopoden, chentše botaman jenbuayenangam. Ya ultim tsbuanacha choc entsabeman tšamo pamillang tmojenangme y ndauatjentš pamillangbioy jabuayenan.

**Jtenëbuayenangan Shacuan
Shnanatemëngac Jenoshnam
Tšamo Bëngbe Bëtsananëng
Ebionëng O Tatšmbung
Tojtsabuayeinaca**

Caba mondëtsobomñ y caba endobiashjach tšamo jenuyanangam jajasanac y cabëngbe shnanëngac. Cachca tšaba nantseman ebionëngbioy o tatšëmbungbioy jatejayan chauabuayena pamillangbioy tšam shnanëngac cuanjenoshnang, jenobouyanangam y cachca tšaba nantseman inje pamillangbioy cachca shnanëng uabuاتمëngbioy jatejayan, tšam cuanjenuyanang chë shnanëngac.





Co chë uashauenänësha Jtsamnan Bëng Jtsatabuayeinayam Tšamo Ijisachuanan

Chë uashauenänëshañ tšaba nantseman jenangmiam tšamo pamillangbioy jtabuayenam nderad tšamo tojisachuana or, nÿe mo tenëbuayenangamnac, as tsatmam nÿe mo jenobouyanangamnac. Y cachca tšaba nantseman ndumua pamillang tšamo tmojtsepasang, chë uashauenänëshañ chamoyebuambay, as bëng muattsatmëng nÿe mo tsetatšmbuamnac, as cuedadoc tsepadecenëngam y cuidado tsenobomñëngam.

Ndoñ Tsenaboyëncjan

Chë bacna šocan tojabitsobocn caus, beca pamillang tšamo muenangmen chë pamillangbioy Jabuayenam chëng, tšamo tmojontša jatatšmbonanca, tmojontša corent jenabouenanana jayanan chë bacna šocan co mallajt bën luaroc chca tojabtsobinÿna uabaina jojon chinoca. Chca caus nÿets mundo tšamo pamillang motbiamañca tša tojitsacochtsetšen y tša jisëbuayëncjan chë ndayentš tojabtsobinÿna chë bacna šocan choca pamillang tša jisëbuayëncjan nÿa ndoñ chëng jisabuabuanshanan.

Bëngbe luar co cachca endopasan, ndumua pamillo inÿe luarocan tojtashjango o tojtacha chë bacna šocan caus y moc cachca ndoñ quenatashben, pronto tsemnan o tsenajuabnan pamillang cachca tša tsaboyëncjan ndumua pamillo tojtabatsbocn chabiam, inÿe or hasta chentšë mochandenrazonay.

Chiyec cbontsabuyeina, Dios mand por Dios nderad ndayam joyebuambayam quemëntša soyam, co nÿe cuedadoc y botaman joyebuambayan, y Añemo jtatsatayan quem pamillang, as chëng tšaba echantsabioy y tšaba mochandatopadeciñëng.



Chë Uashauenantemañ Ndayam Jacuentam Co Bien Jtsatman, Ndoñ Chcas Mejor Nye Ndoca Tsichamuan

Inye or chca pamillang mochanjashjango chë uashauenanëshañ joyebuambayam, inye or ndoñ ndegombre tsemnan, co nye sheuajan tsabacam, tša mochanjisenabuambay pamillang jashnayam, pomadëng mochantsabuambay, inye or mochantsenabuambayëng ndayam cojtsebošca nye jabomalicianca, y chca tša mochanjisabuambayëng inyoca shnanëng y chë pamillang chca tmojtsichamo jobenayëngan jashnayam, as tšaba nantseman, bëng chca mondenangmen uashauenanëshañ, pamillangbioy tabuayenam, as chë enabuambayëngbioy jauyanan o janotician chëngbioy, y jauyanan tšamo muentše contse razonaca cuchjobenay pamillangbioy jašebuachemam, ndegombre jashnayam chca taichjopodia y canye or jauyanan cachcanac cbochanjabuayena muentše tatsëmbungoebionëngmodëtsopadeciñy bienobiashjachëngmondmënëngycachca mondmën inye pamillang bien shnanëng uabuatmëngypamillangbioyechanjashna.



Ndayam Jabuayenam Pamillangbioy Co Respetoc Y Corticioc Tsabuayeinayan Tšamo Pamillang Merecido Motsobuajoñca


Nderado cojtsetatšëmbo ndumua pamillo tojtsepadecen chë bacna šocanac, o chca caus tojojenach, as Dios mand por Dios ndoca chëngbiam bacna palabrac tsechamuan, natsan cach bëng mochjenobobony, nye respetoc y corticioc ndayam jenëtjayan.



Tšam Ndayam Tojtsachuanca, Nÿe Corent Tšaba Tsemnan Pamillangbioy Jabuayenam

Pamillangbioy nÿe botaman tsabuayeinayan, tšamo inÿe luarocan, cach tabanocan, yojtsabuayeina, mor chca tojabitsshjango chë bacna šocan caus, ayecpamillangbioyjabuayenan, mor ndayenach ndoñ jopodian jenangmiam tšam tempo mojanaman jenangmiamca.

i Mochtenojuaboy!, uashauenanësha co corent endetsaserven, chentšän tšamo tojisachuanca nday soyam, as pamillangbioy jabuayenam, mor co más uachuan enjesemën pamillangbioy jabuayenam, o cuidado chamotsenobomñe chë bacna šocanam, y tšamo ndoñ tšaba tmojtsenobosentenës, as co cachca camuentšän uashauenanëshañ jatabuayenan chca ndoñ tšaba conjisenobosentenasn, as co betesco jouenan y jachembuan ndumua pamillang muenangmenëng quemëntša soyam osertanëng, chëngbioy betesco jobuambayan, as chëng betesco yebnoy mochanjobecona bominÿe jabuajuam nday šocan bejtsebomnan. Corent oprecido jese mnan bominÿe chacmobuajo ndumua pamillo osertana yomna y chca iuenangmen quem bacna šocanam, as uanjopodia tšamo chentše jashnam, y as ndoñ inÿe pamillangbioy chë bacna šocan jatenabuachnëngnam, co nÿetsca pamillangbe tšabiam saludam chca jenocuidangan.



Pamillangbioy Jabuayenan Ndaiñnac Botaman Mochjatenangmia



1. Mor chca bacna šocan tojabisobocn caus, chca tojatoordena ndoñ yap ndayenach tsepadecenengan tempo injamnëca, mor co nÿe cach yebnëntš toshanÿayan. Chiyec yebnoc nÿe mo ndaiñnac mochjenangmiang: nderad tsatabormendayam, tsobochashjalimpiam, nÿe dayjajasanatem tsabuañan y inÿe soyëng chentše mochjontšang tsenangmiñan.

2. Chca tojatobuach yebnoc toshanÿayam, ayecna tšamo chentše šmotbiamañ pamillangca, nÿe lempe tšaba catatoy nÿetscang šmosenangmenëng y ndoñ tsenaboyëncjan.



3. Uashauenanëshañ chocan jontšangan botaman pamillangbioy tsatabuayeinayan, mor chca bacna šocan tojabitsshjango caus, yebnenach tšamo ijtsatatjëmbambna basetemëng, shembaseng, inÿenach ndoñ tšaba canÿiñ monjisetbiaman corent lastemca ejisopasan, inÿe yebnenache cach tsoca pamillang tmojontše enambayan, basetemëng ndoñ tšaba tsëmnan, nÿe podesca tsaborlanan, y inÿe shembaseng cachca lastemca mojisepasang, ayecna mor ejiseit desde uashauenanëshañ, tšamo pamillang chentše muenangmenca, botaman tsatabuayeinayan, nÿe tšabe añemo chamotsatsbomnëng, ndoñ chamondëtsenaboyëncj entre canÿe tsaquëng, nÿe tšaba catato y chamuisotbiamañ y tšaba chamotsopadesinëng.

Pamillangbioy Jabuayenan Ndaiñnac Botaman Mochjatenangmia

4. Tšaba nantseman mor mas botaman mochtenojuaboyëng, mas cabëngbe soyam mosatëcuatjonëng, mas cada te mochtontša bëngbe uaman soyëng tabouantsayam, cabënbe soyëngam mosatenbuayeinay, as tšaba mochandatotbiamañëng.

5. Va luarenach juatsjinÿam en lineaca chca soyiñ ndoñ tšaba jisoshachichan, as co ndoñ tšaba jisachuanan uatsjendayëngbiam, y inÿe uatsjendayëng co tonday jisebomnan crocenan chë internetca chca soyam. Ayecna tšaba yomën jenuaboyan y jontšan jenangmiam uatsjendayëngbioy, jontšan botaman tabuatamban y jtsatabuayeinayan desde uashauenanësha chocan, as chë uatsjendayëng mochantsuenan, as añemo mochantsebomn y ndoñ quemochtisebocan, ndayentš muatsjenda chentšan. Tšaba nantsemn abuatambayëng jacomvidayan chamobecona y uashauenanëshañ chamatoyebuamba y uatsjendayëngbioy chauatabuatamba, as añemo chë uatsjendayëng mochantsebomn.



6. Jabuayenan pamillangbioy más que tšamo inÿe luarenach tmojtenontše batša jenangmiam, quem soy ndoñ jtsayanan chë bacna šocan ya tondaica, mas que tšamo inÿenach batša mojtëtenangmen, pero chë bacna šocan caba indobuertan chenach.

7. Tšaba nantseman botaman tenbuayenangam va soyëngam y Añemo tenatšëtayëngam cabëngbe tšabiam, más que tšamo mojisepadecenëng quem bacna šocanac tsëntsac.

8. Mochtenojuaboy pamillangftac ndayec nÿe cachquëchca quemëntša bacna šocan tojabëbtsonÿna, y mor nÿe inÿetša inÿetša monjisenobosentenëng, ayecna; tšaba nantsemën botaman mochtenojuaboy, mosatenyeunan y nÿe tšaba mosateninÿenëng cabëngbe vidad.






9. Sheuajan tojtseremedias as chan tsejuabayan y nÿe ndaya tbojtsajabotca jobuamiñan.

10. Pamillangbioy botaman tacomvidayan bien chamotsatm tšamo tojtsabuayeinaca chamobedeseng. Mas que ndoñ tsbuanachangañ quenatabeman ndayentše tsayanen mëntša: sheuajan chentšnac resgo tsemnan chë bacna šocan nantsojaiy, er chë sheuajan covapamillangbe cucuatsënguñ ichanjisenchnëjuan y ndoñ tsenotatšmbuan nderad nda chca bacna šocanac bomna, chë sheuajan tojabojajo, chiyec cachca resgo tsebojanÿangan, as cuidado mosenobomñ.



11. Pamillangbioy mosatabuayeinay mëntsa tšaba yomën cach jajoca sanang mosatomantiñayëng, er quem jajasanang tcojtsesas, as cada te mas tšabe añemo mochanjisebomnëng, y cachca tšaba nantseman pamillangbioy jabuayenan tšamo juabuan jajasanac, tšamo bëngbe bëtsananëng tojubtsabuatambaca, as tšabe vid jisobomñam.

¿Ndayentš Mas Betsco Quem Bacna Šocan Cuanjonÿen?





**Muentše Entsabemanca Y Entsayanca, Co Nye
Corent Tšaba Y Ndauatjca Tšamo Pamillang
Šmuenangmenca, Chë Uashauenanëshañ, Nye
Diosmand Por Dios Nye Botaman Pamillangbioy
Jabuayenan Cabëngbe Tšabiam, Nye Mo
Chamotsatmam**

Organización Mundial de la Salud
<https://www.who.int/es>

Organización Panamericana de la Salud
<https://www.paho.org/hq/index.php?lang=es>

México

<https://verificovid.mx/>
<https://coronavirus.gob.mx/>

Guatemala

<https://www.unicef.org/guatemala/coronavirus-covid-19-lo-que-los-padres-deben-saber>

El Salvador

<https://covid19.presidencia.gob.sv/>

Honduras

<https://covid19honduras.org/>

Nicaragua:

<https://ondalocal.com.ni/>

Panamá

<http://www.mingob.gob.pa/gobernacion-la-comarcaguna-yala/>
<https://www.midiario.com/>



Quem Uachuan Tsbuanachangañ Enduabeman Pamillangbiam, Tšamo Mnitsenangmen Uashauenanësha Chentšëngbiam Y Chëng Inÿe Pamillangbioy Mondëtabuayeina, Chë Bacna Šocanam

<https://ijnet.org/en>

Red Internacional de Periodistas

<https://gijn.org/gijn-en-espanol/>

<https://derechos.culturalsurvival.org/>

<https://www.culturalsurvival.org/es/covid-19>

<https://www.articulo66.com/>

<https://rdsradio.hn/>

<http://www.vocesnuestras.org/programas/salvador>

<https://www.facebook.com/tvindigena>

<https://tvindigena.org/covid19/>

<http://www.minsa.gob.pa>

Ndumua Pamillang Mëntša Tmonjenangmëng:

Natsan LempeTonjenangme: Cultural Survival.

Nda Tojenëchnëngo Y Tojuabem Camëntšá Palabrac Šquenëngbe

Uabeman Soy: Doriz Marina Jacanamijoy Mavisoy.

Nda Tojuinÿnana: Patricia Sucely Puluc Tecúm, Maya K'iche, Guatemala.

Nda Tojuaporma: Marnie Rivera, Nicaragua.

Edición: Agosto 2020



Nda Tojuatšbena:

